

— 366 —

stillent sin wider den oder die des besten vnuerzogenlich, das es
 fůrgang gewinne, bi dem eide, vnd wenne der sehsen einer
 abgat, so sont die andern den rat daran manen, in vierzechen
 tagen, vnd sol der ein andern an des stat gen darzuo och in
 vierzechen tagen. Vnd sol man disen brief lesen vor dem
 rate ze Friburg, wenne erst min sibende fůrkomet, vnd dar-
 nach ellü jar einest, vnd dis vollesüren. Harumb sol man
 forffen vnd gen von min guote, den vorgeantten sehsen oder
 die an ir stat komet, drü pfunt pfenning gels friburger
 münze, ieklichem zehen schillinge. So ist dis dü ordenunge
 als ich es geordent vnd geheiffen han. Zem erst min begrebe
 ze Gůnterstal. Drü guoti gerühi tücher sol man vf den
 boorn legen, der sol einwerden vnserre Brovwen, eins dem
 spital, vnd eins gen Gůnterstal alles ze messacheln.
 Item min best ros verdefet mit eim sidin waffenkleit, vnd
 min best harnesch, och ze vnserre Brovwen an die obern
 fenster ze verglasende, ros vnd harnesch, das waffenkleit ze mes-
 sacheln. Erharten sol man zehen march vmb sin pferit gen,
 vnd das och verdefen mit eim sidin waffenkleit, vnd gen gen
 Gůnterstal, us dem waffenkleit da messachel machen, vnd
 min guoten panzer sol man och dar gen mit der bare. Item
 min guoten sidin rock den gefüterten, vnd den sidin waffenrock
 zen Barfüssen ze messacheln. Item so ist dis das gelt, so
 ich gemacht han ze mime jarzit ze begande, als es vellet ane
 geuerde, vnd wel kloster, goghus, regelhus oder pfruondenere,
 vnd wer es began sol, nüt begienge, so viele der nüz des iares
 an den spital, begienge es der spital nüt, so viele sin teil des
 jares an vnserre Brovwen bu, vnd ist das. Den Barfuossen
 vier pfunt gels. Den Brediern zwei pfunt. Den Augu-
 stineren drü pfunt. Den Oberrieteren drißig schillinge.
 Ze allen heiligen drißig schillinge. Den thütschen her-
 ren zwei pfunt. Den von sant Johanse drü pfunt. Den
 von Ehenibach drü pfunt. Ze sant niclause ein pfunt.
 Dem spital vier pfunt. Den guoten lüten zwei pfunt.
 Zem Münster von min vnd mins bruoders jarzit, den kappel-
 lan sehs pfunt den die ze gegen sint. Zem armen spital